

耆德

林政

天性孝友歷事四繼母愛敬一如所生兄弟和藹不忍異居邑侯范涑廉其孝友申請按院加獎年九十陳侯禮請鄉飲

傳文燭

敦倫樹義樂善好施弟姪幼孤教養婚配皆賴其力值歲連歉發賑數百石邑侯優禮獎異之先後四御史給匾予冠帶

林時達

敦倫睦族積德累仁壽八十入舉鄉飲匾曰齒德達尊

盧允中

字養元少習舉子業屢試不售父命商楚蜀以親在不忍遠遊父以年壯慰之乃客外十年歸悉出所獲與三弟均分邑之來鶴亭接龍橋三溪庄上石橋俱樂捐多金後授省祭官壽七旬鄉飲大賓匾曰

鄧春秀

德義可風

瀘溪縣志

卷之九

耆德

盧建中

縣匾聖世達尊巡按王匾懿行可風巡按倪匾一鄉善士巡按林匾月旦評高曲致親歡屢賑歲歉急公奉上排難解紛上官四給獎匾

傅心源

天性至孝父病朝夕虔禱願以身代父愈敬七日亡父嘉其孝別置田以供其祭縣詳上給匾

林敬

曰純孝殉身

鄧宏

字近泉鄉飲大賓邑侯汪謨匾曰齒德俱尊

鄒東喬

正且忠誠樂善好施邑侯陳王廷舉鄉飲匾曰世德流芳

龔世德

正且不阿取予惟義里中稱為竹溪先生邑侯匾曰嘉賓鄉飲大賓巡撫

黃瑜

何匾曰賓賢

盧秉中

縣匾曰德重鄉評

稱良材 注慷慨好交接賢士以禮法繩其姓

何球 耿介有氣節樂為人排解益藩賜

周相 獎匾善行可嘉

徐學 獎匾德重鄉間

鄭桂 獎匾樂善循理

湯繼州 捐資建葛溪橋邑侯獎匾敦善好義

李子璜 獎匾齒德兼隆

李鼎調 獎匾德壽俱隆

鄒懷少 獎匾樂善好義

瀘溪縣志 卷之九 耆德 二

李先春 府匾清朝碩彥

李和 十歲失怙同母氏甯勉家政富而好禮鄉里咸推重邑侯匾曰耆德子士魁士元士傑士達俱鄉飲給匾

鄒昂 世德克承敦善循理邑侯禮延大賓匾曰仁壽

劉光奕 持身謹嚴勵志詩書邑侯匾曰式燕嘉賓子安民丘構道匾曰卓爾干城

李上華 縣匾達德上賓

李轉 縣舉鄉飲匾曰德厚流光

林溪春 言物行恒型範鄉間遇荒樂濟雨請宿筵匾曰人倫之望

王政 號懷野坦懷接物積德貽後舉鄉飲府匾德重賓筵

林塘春 恂恂長厚溫恭待物邑侯匾曰望隆月日

黃文瑞 三舉鄉飲給匾

黃文瓊 鄉飲大賓匾曰天錫難老

石士弘 獎匾元德承恩

黃守忠 邑庠生舉鄉飲匾曰孝德可範

朱國材 給匾淳龐表俗

石德崇 給匾恩榮合德

朱之瓊 給匾德壽彌高

傅仰源 給匾耆德可儀

瀘溪縣志 卷之九 耆德 三

李 盱 耿介持平取予不苟邑侯匾曰寵榮良善

周德化 宏才大畧濟困扶危縣舉鄉飲曰熙朝元德

于守中 獎匾齒德俱尊

李 榮 獎匾上壽重封

周應雷 獎匾恩榮雅德

饒 積 鄉飲大賓

徐 元 獎匾醇篤古風

傅天祿 冠帶大賓

周繼山 縣舉鄉飲匾曰榮膺盛典

會盛 渾厚淳朴彝倫克敦縣匾友睦可風

徐國華 縣匾好義可風

周禮 敦倫盡道推惠鄉邑舉鄉飲大賓匾曰德行榮賓

鄧善 鄉飲大賓

李文泰 縣匾望德達尊

徐邴 清高隱處好義循理造橋梁立義塚舉鄉飲大賓

徐增 獎匾褒寵先聲

黃祥金 按院獎匾

馮厚 獎匾齒德俱優

瀘溪縣志 卷之九 耆德 四

鄭錦 獎匾榮壽

會伯祥 字春臺素履端方郡守張有孝友見推族黨醉良取重鄉評宜崇賓筵以光盛典看語匾曰敦善可風

盧南華 鄉飲大賓

楊鳳山 鄉飲大賓年九十二

丁振鐸 鄉飲大賓

邱懷東 鄉飲大賓

傅遲 大賓

傅盛 大賓

傅新 大賓

傅映 大賓

鄧文琪 大賓

鄧學樂 獎匾齒 德俱隆

魏懋德 忠厚愷惻事繼母以孝 蜀邑侯匾曰 德重鄉間

林雲魁 獎匾清時高 隱詔錫壽官

曾燭 恩詔壽官匾 曰齒德達尊

王思信 孝友端方古貌古心舉 鄉飲匾曰敦善可儀

王拱亨 謙恭守禮樂善好施邑侯 李即龍匾曰積厚流光

瀘溪縣志

卷之九

耆德

五

廖昺 獎匾善 有餘慶

吳一中 獎匾懿 德是好

盧應春 品行端方氣量宏偉工詩詞精 書篆縣舉鄉飲匾曰年高德邵

林少簡 才華富瞻初建縣四門方向皆其經畫能以 片語解族里紛結宏達中誠信足以服人

林應鵬 質直好義縣請賓 筵匾曰周行足示

李用和 縣獎匾古 骨今馨

鄧鑑 捐粟賑飢縣 匾修德樂善

李之實 勤儉克家好義守 禮縣匾齒德俱尊

黃懷山 縣獎匾五 史三老

饒修文

賦性淳朴與人無爭
解紛周急里中誦義

饒善

孝友性成爽朗有大度獎區盛世人
瑞與兄積弟家皆蒙褒錄時稱三望

邱東山

磊落慷慨遇荒捐賑積逋焚券縣禮請
鄉飲匾曰齒德俱隆子振東季東亦預

邱文炳

鄉飲

邱秀

鄉飲

黃文達

鄉飲

黃朝宣

鄉飲

林應鵬

號清吾朴質古貌寬恕存心濟困扶危時稱
長者縣匾德厚流光子芳登順治丁酉鄉薦

林士登

字敬燹勤儉克敏家政事父母敬愛兼至
年八十三縣匾嬉恬壽域又寶籙崇隆

瀘溪縣志

卷之九

耆德

六

鄒律

字自成孝親善事繼母友于兄弟處族黨和易
慷慨開館延師能學者玉成之邑侯張萃祥匾

曰一鄉
善士

丁白沙

鄉飲大賓匾
曰德壽雙榮

劉大緯

字翼甫孝友睦族鍵戶課子
不理事縣匾教子一經

鄧芳

字彥甫至性惇朴練達持重邑侯
張萃祥委督修城匾曰襄事金湯

傅永

號仰峯恭儉持已詩書傳家其
孫璜以康熙十八年領歲薦

林鶴齡

號來亨孝友性成言行可式藩司匾曰德可維
風糧道匾曰有齒有德邑侯匾曰得見君子

林察

鄉飲大賓縣
匾德裕後昆

譚純所

字懷義性敏嗜學遠大自期崇正九年大飢發
粟以賑因世亂廢業篤志課二子俱補弟子員

盧宗屏 字大垣邑侯余履

度匾曰三代之遺

朱國松 鄉飲大賓匾

曰天民雅望 縣獎匾德

盧起龍 垂後裔

鄧大孝 鄉飲大賓循理樂善施

田福源寺寄像以祀

盧肖龍 縣獎匾達 尊有二

林行榮 兩舉賓筵縣獎匾聲律

身度府匾德壽雙全

林 默 克敦孝友請舉賓筵

匾曰德行維風

高士毅 字可任淡泊明志璞玉渾金與弟士

進共相友愛同居數十年庭無違語

朱大震 字子占潛心經術

勢利中澹如也

瀘溪縣志 卷之九 耆德

許啟元 字伏一慷慨豪爽周貧濟急兩式賓席府

匾曰介德壽豈孫士弘領康熙乙酉鄉薦

盧心琪 字元美性嗜讀尤敦孝行父被寇執琪請身代

賊感而釋之衆舉為鄉約長邑侯常聲揚匾獎

魏士端 字子楷少貧而孤克自振拔胸中不設城府言

出人輒信適有逋積賦繆繫者與之銀不問其

姓字遇鄉鄰吉

凶常為分贈

桂 開 字建侯積學不售孝事父母五十年不失孺慕

心父病疏祝灶神願減已算以益親居喪廬墓

三載年六十聞異 香接引無疾而終

傅仁壽 字延卿温文爾雅愷悌慈祥

舉鄉飲大賓匾曰恩榮齒德

李成龍 字伯成朴誠無偽制行端方鄉里奉

為楷模孫日彰舉康熙戊午鄉試

高顯祖 字石泉寬恕雅懷與人無競崇正十三年

縣舉鄉飲大賓匾曰望重日評年九十五

李元經

字帝可器宇軒豁幼習舉業不偶怡情山水遇鄉里貧乏者輒周之中年艱嗣後舉五子

盧心瑾

字懷玉動循禮法語言謙抑父遭賊拷餉泣救以身代捐貲修寺宇裝佛像建亭砌路有求必應歷久不倦

李琴生

性謹飭幼失怙克自卓立行年七十不知有機械事族黨善之

鄧魁

字子仲少孤善事母兄文達蚤世遺二孤仲待之如已出客燕拾遺廉其人還之嘗作銘云勤儉持家温恭接物閑邪存誠風還穆沕

危希舜

字認中敦倫飭紀慷慨好施邑侯潘元勳請式賓席匾曰齒德兼優

譚天佑

字南溪才具敏練克纘克緒而嚴以持已恕以待物德誼尤有足式請赴賓筵上官獎為善士

劉際宣

字宣佑端方正直好善樂施淡意功名嚴以訓子

瀘溪縣志

卷之九

耆德

邱紹元

鄉飲大賓縣匾惠迪齡長

高洪先

長厚樸訥忿戾胥忘人有犯者笑而謝之

饒尚友

幼失怙恃兵亂二兄逃散卓志成立尋兄歸分已產以贍兄卒撫其孤教養婚配又以已產均之

盧友玉

潔清自好平恕接物年八十有子七人縣匾曰壽山福海

李元及

丰姿卓犖氣度端凝鄉里紛爭片語立解

孫灝

字明振天懷渾朴正大端方縣匾耆德名芳

徐越志

字文華孝友克著清白傳家擅推解之風篤義方之訓舉鄉飲大賓匾曰特恩彰德

何喬

字肇明幼讀書為時賢所期許以數奇不遇經理先人舊業仁慈好施有貸金數十者將鬻妻

以償還其券又有以祖穴抵欠喬見其多子乃曰是安知非所福廢者置其欠不論隣里飢寒給以衣食殯葬無具施以棺木此皆善行之可紀錄

李子明

賦性孝友持躬端方晚娶吳氏亦能撫孤守志

徐瀚

字北海仗義疎財食德者眾益藩獎匾德壽雙榮卒年九十有一

鄧成子

孝友謙和樂賑好施隆賓席督義方督學徐匾曰喬梓兼榮

單德高

字君德長厚可範里排之革子廷棟同與力焉

石金聲

字奎玉慷慨有幹濟甲寅閩變居民逃竄奎獨挺迎王師民賴以安厥功殊偉

林邦楚

字儒生才能出眾公事任之裕如邑侯張萃祥匾曰民質神詒余履度匾曰江國長才區之鼎

委理春秋祭祀優獎給昨後舉鄉約匾曰才德兼美

瀘溪縣志

卷之九

耆德

九

盧銓

字公掄性沉靜渾樸絕不知人世機械事族有鬻妻者即出金全之精脉理遇病求診雖參藥

與人弗恤多回枯起瘵之譽

許天錫

號碧山兩赴賓筵匾曰修德承恩

于揚

字文明忠厚渾朴善方垂訓

龔振生

幼孤友愛諸弟耄猶共嬰視姪如子訓課不倦尤好行施濟閭里德之

鄭夢昌

孝事寡母友愛兄弟里黨欽式

林如熾

字公卓負方抱員愉愉庭戶間撫書冊有騰起之志未逮而屬於繼起一種踈朗開滌城市囂塵絕不入其懷來

周錚

字聞遠少通敏能文孝友有至性接遇一無所苟及壯不酌所志汎濫於諸子百家優游不事紛糾以自若其天懷

林煊

字聞宣青素自業言論不苟事繼母未有違顏文瞻而謹於邊幅升講座數十餘年坎壈不得一衿以終

鄒大崢

字鵬舉迹近而意遠推道訓俗蘊義風生亭亭於物表也

林珩

字孟芳早喪父事母克勤子職飲食侍奉未有少懈而言行事為亦必諦審於正恐或拂母意處兄弟和愉一室老而彌篤以儉約居身以經書課子家素饒裕有負者巽顏遣之所居在縣署右不輕入其門年七十而終

瀘溪縣志

卷之九

耆德

胥瑞卿

號慎齋綜核名實不為表襮而旁流盜澤沾溉鄉人約子弟以練緇庠序間彬彬如也邑侯衛執躬獎匾一鄉善士

林秀振

字挺秀齠齡喪母遭閩變父攜避山谷備歷艱辛及長極意承歡每念父之困輒為隕涕性醇謹不競外事惟勉其子力學以克紹前徽

胥惕盤

字懷吾歲饑散穀以卹族鄰之困於貧士尤加意遇紛難相持出已資以平里中洪潭渡為信浙金南通衢建菴施田歷久不湮年八十七郡守匾以齒德攸隆

傅國棟

字國達幼喪父事母以孝聞任真推分未嘗妄有所及營產治居馴致羸橐遂理詩書之業訓子有聲文場中邑侯李如璠高其行詳舉主農政會例止而寢

孫顯祖

字若葵學業為儒林期許屢試未售終其身於師席戶外事毫不與聞其處已儉約其待人忠恕要無抵牾

黃龍見

質樸敦孝友言行無玷文章一稟先型年六十
二試督學使以一字見黜子中渭字友蕪工制
執留意詩賦歷童試至七十餘兩世困於儒業
不少沮悔子楨以歲薦任贛州安遠縣訓導
襟期拓落興寄翛然優游庭除間惟執書册以
啟後嗣畫知挈仁則皆其唾棄之餘也邑侯王
匾曰聲
冠洛社

林國奇

林仲彩

折節力田畜織齋湣得建接龍橋首捐銀一百
五十兩未竣工而比再捐銀八十于上流砌二
墩以待後繼者蓬勃之氣挺然不屈亦錄
錄奇節矣先邑侯趙淵匾曰樂善不倦
德厚信在散帶衡門卓然不為世囂所
紛年八旬縣侯趙淵匾曰玉杖傳心

石之麟

瀘溪縣志

卷之九

耆德

十一

石映角

字張次偉然之表瞻視非常承先人緒業以門
第日撐持羣從中讀書婚嫁多為措畫底於成
此外則如有免矣縣
侯兩請鄉飲不就

傅穗年

才流經通豪氣逼人族黨紛難聞言多為解去
不事跟踰因熱範子以書籍著聲邑侯趙淵匾
曰正直
可風

徐來泰

處懷無羈遇事能了橋路募資畧
無吝意書田啟爰尤其表表者
字南極
二姪真誠無偽制行端方公舉約長善言勸諭

盧廷訓

鄉曲邑侯趙淵
匾務德是式

鄭京師

性淳朴事父母以孝聞橋路不吝捐資忿爭力
為排解訓子拔以書籍著聲縣匾以齒德俱尊

張佐良

奉

新例舉報鄉賓

盧宗臣

舉人號慎菴雍正六年春大賓有傳

林大振

邑庠字成章器宇恢宏持身嚴謹孝友傳家一堂皆雍穆氣象雍正六年春舉介賓

邱 錡

幼嗜學不遇敦行古道恤困扶危雍正六年春舉僕賓

高士進

思貢字公選號旭峰搗謙渾厚不以賢智先人然淑慝臧否甄別維嚴為文渾雅雋逸自出機軸嘗受知於督學評其試藝清標

邈俗幽芳襲人雍正戊申冬大賓

魏光選

邑庠生雍正六年冬介賓

鄧應美

字淑宣雍正六年冬僕賓孝親恤孤濟飢助塋縣匾曰坊表維風

瀘溪縣志

卷之九

鄉賓

十二

魏文潢

舉人雍正七年春大賓有傳

林煥章

字大文號警齋郡庠生砥行立名孝事寡母年七十承顏歡侍族里稱其有老萊遺風雍正七年介

賓

邱邦俊

字惟卿雍正七年春僕賓胸無俗棼惟琴書自娛遇有紛難輒警解之人重其德而感悟者多

邑侯李如瑤匾曰碩德堪型

傅龍言

字伯高邑增生幼承義方之訓能以詩書善其氣敦厚周慎節儉謙和允堪表式雍正七年冬

大賓

周贊成

字旦如郡庠生處素封無奢縱之習待族黨多遜讓之風鄉閭懷其德貧困感其惠雍正七年

冬介賓

左 盛 字宗茂敦倫盡紀孝誼見稱恤困扶危善行可錄雍正七年冬僕賓邑侯李如瑤給匾

林廷模 字欽士庠生雍正八年春大賓 周集成 字兆伯庠生雍正八年春介賓

丁士誠 字叔亮取予不苟孝友可稱雍正八年春僕賓邑侯李如瑤匾曰龍光寵錫楊倓匾達尊有二

黃 彬 字從先庠生雍正十年大賓 魏 楠 字子良國學生雍正十年介賓

周 鑑 字致遠雍正十年僕賓 龔學洙 庠生乾隆元年大賓

李 柱 乾隆元年介賓 鄧秉德 字民質豪情壯氣足以振懦起衰而屈伸

舒卷動有操術未嘗少橫溢於尺度乾隆元年僕賓

鄧斯示 字敬修庠生乾隆二年大賓 許 謙 字牧夫少授書於其父孝廉士弼以試不

售舍去風力冠一鄉填總輻輳彌見其長乾隆二年介賓

瀘溪縣志

卷之九

鄉賓

十三

胥如賓 乾隆二年僕賓 盧心照 字振清國學生乾隆四年大賓

林嘉善 字孟勝乾隆四年介賓 李日興 乾隆四年僕賓

曾之斌 字凌萬庠生乾隆五年大賓 邱 鏞 字子鏞乾隆五年介賓

魏經大 乾隆五年僕賓 魏文瀾 字秀六庠生乾隆六年大賓

林廷賓 字御登質樸無粉飾葆其天和絕不近媮末之習乾隆六年介賓邑侯王斌匾以仁厚可風

傅學嶠 字松儒賦性孝友制行端方尤篤學工於文苑惜屢試不售舉乾隆六年介賓邑侯 林獎匾

爵從 天修 傅鴻猷 字盛翁庠生乾隆八年大賓

饒紹殷 乾隆八年介賓 彭天錫 字成萬乾隆八年僕賓

李如椿 字小同歲貢生乾隆八年大賓 丁國森 字雲子乾隆八年介賓

魏應運 字德集品端性摯有叔無嗣且貧甚養孳志身任伯兄早喪撫諸姪教育備至乾隆八年僕賓

鄒莫國 字聲宇庠生乾隆九年大賓 林登甲 字勝章乾隆九年介賓

黃輝斗 乾隆九年僕賓 李靖國 字基田庠生娛情書帙恂恂善道而施受

出內善為推給鄉鄰飫其惠 乾隆九年大賓邑侯獎匾

邱源 字凌遠至性繫切祥和藹於門內訓子以文章著稱他皆其唾餘也乾隆九年介賓邑侯匾曰

德行 可嘉 黃士盛 居鄉曲之間循守事業積累贏得橋路不

惜捐資貸負為慰 于步青 庠生乾隆十年大賓

魏雲賓 字德昌幼習儒業以名節自持盛年喪偶終身不再娶邑侯趙淵匾曰漢陵風韻徐振修匾曰

聖世 嘉賓 李映斗 乾隆十年僕賓

義民

傅震

正統間邑大饑官發帑殆盡震出穀助賑有司以聞降勅嘉獎勅江西建昌府南城縣民傅震國家施仁養民為首爾能出穀壹千貳百石用助賑濟有司以聞朕用嘉之今特賜勅獎諭勞以羊酒旌為義民仍免本戶雜派差徭三年尚允蹈忠厚表勵鄉俗用副朝廷褒嘉之意萬歷年間大饑上諭富民出穀助賑吳同孫少東捐粟數百賑濟院道旌匾祖孫尚義七世同居巡撫獎匾義門邑侯范淦贈聯云七世同居頗有張公雅度一門敦義宛然鄭氏遺風

鄒昊三

萬歷年間大饑上諭富民出穀助賑吳同孫少東捐粟數百賑濟院道旌匾祖孫尚義

譚清淳

七世同居巡撫獎匾義門邑侯范淦贈聯云七世同居頗有張公雅度一門敦義宛然鄭氏遺風

黃汝信

長厚慕義遇荒捐賑有貸不償悉焚其券匾曰發賑高義壽百歲匾曰天錫期年

林槐廿三

存心利濟荒年賑飢助建官橋凡橋路傾圮者力為修之四舉實筵

瀘溪縣志

卷之九

義民

十五

饒謨

肇邑之初尚義助勸邑令獎匾息榮首德

鄒元

字自太樂善好施遇橋路修理不惜捐貲郡守獎匾義聲載道

列女

宋

鄧九娘璩之女孫撤其環璫至老不嫁以養父母好善樂施創上林楊源廣仁載興白塔等寺咸範其祖父母及父母像於寺龕散給田數千石俾世祀以永孝思各寺立有碑記

明

郡庠生傅灤妻趙氏年十五歸傅氏踰五載夫病淋疾旦夕扶持衣不解帶者十餘月及喪號泣踰度既三

瀘溪縣志

卷之九

列女

十六

年父母強求歸寧田東有劉欽者富商也賂媒求娶力拒弗允又有黃姑者每日來誘解所繫金帶贈趙趙擲於地乃閉室自縊母聞救免遂歸傅氏姑性嚴趙愈憤勵自持巡撫督學旌匾其門曰堅貞曰希其曰節貞

孫瑩七妻張氏年十八瑩死家人欲奪其志卽不食誓無二心既數年疫大作姑舅伯叔相繼八喪張罄家治葬具靡不如禮郡守趙邑侯葉咸禮獎云

孫瑞一妻李氏年十七瑞卒子甫襁褓家故貧援大義

自守後子應縣役從途次獲私鹽數觔歸問所從來
子以實對呵其不義曰諸伯叔示村悉傾溝中孀居
六十二年縣上其事於御史併前張氏表其門曰雙
節高風

傅銓妻蕭氏年二十銓喪遺二孤號痛欲自盡姑妯勸
以母死子無獨生當爲銓後計蕭悟矢志不二踰年
一孤折家益貧守益勵日勤紡績以資衣食次子復
歿撫孫汝楫課讀爲邑廩生克自樹立年七十有九
卒邑侯造廬嘉獎匾其門曰節慈

林楚八妻傅氏十七歸林甫二蒼生子數月夫喪號痛
欲身殉以藐孤無依誓守時有奪其志者剪髮以拒
奪者未已引繩自縊侍婢覺救自是知其志不可移
始得終守子早喪孫三復撫之成立孀居五十餘載
邑侯鄒堯臣禮獎匾曰玉壺永清

廩生孫鏗妻李氏諳識詩書稔知大義年十八歸鏗生
子濤夫死年二十四哀哭幾絕復甦者數次旋自遣
曰予有孳孳幼孤忍效溝瀆之諒何以下報冥冥乎
淬心勉力孀居四十餘載屢獎給粟帛賜匾年六十

四卒奉旨建坊府城

庠生傅蚡妻曾氏十九喪夫時長子元覺甫二歲幼子元明三月遺腹堂伯逼之嫁以死誓奉庶姑艱苦備嘗延師訓子俱補弟子員巡按林獎匾貞節可風併給粟帛巡按劉匾儒門節壽年八十有三卒

傅二燇妻許氏二十三歲喪夫子幼家貧勵志守節五十年巡按劉獎匾栢舟矢操

傅開新妻艾氏仝夫避寇於初溪渡寇至匿山中破執揮其就道渡橋會水漲赴河死夫痛其節遂祝髮爲

瀘溪縣志

卷之九 列女

十八

僧

庠生鄧薦揚妻何氏年二十三夫喪絕食數日恨不與俱亡期年父迎歸以貴少求婚苦勸之剪髮誓無二心孝事老姑訓子 士梅克承母志

李醇妻蔡氏年十六歸李半月夫喪終身守志邑侯梁應掄申詳本縣五都李醇妻節婦蔡氏半月夫妻終身孤寡舅姑難奪其志貧困不易其操斷髮一十六春初心已貫金石完名七十九歲晚節益勵冰霜何意山城有此貞節除給匾額布穀以示激勸外看得

本婦天年未盡操觚者謂一息之尚存苦志可風司
牧者懼百世之湮滅云

林育妻周氏年二十孀居誓志靡他拮据撫孤始終如
一巡按旌匾勁節凌霜

庠生林文潤妻黃氏年二十一喪夫初欲身殉念孤數
齡誓死靡他家落而志不渝邑侯匾曰節比松筠

李瑞甫妻林氏順治庚寅土寇竊發沿境搜掠林仝姑
避兵被執義不辱同伴勸其勉從脫難林氣愈勵罵
不輟賊怒慘戮聞者爲傷痛

曾日上妻林氏年二十二寇亂兵驟至奔竄不及被執
促之赴營林慮莫脫視傍溪有深潭遂投潭死

孝廉王拱盤妻孫氏丙戌土兵徧掠鄉村孫與家衆掖
八十老舅避兵中途遇賊拖曳其手詎曰我賢人婦
手豈爲爾所曳死即死耳但勿傷吾舅屢以身翼賊
刃之罵不絕聲斫方殞併殺其舅一時同難者有
王維南妻傅氏併義婢福貞誘脫王母寡婦張氏而
已爲死焉諸名人哀之各立傳紀其事

義士王賓臣妻林氏年十三歸王孝事姑嫜夫國變以

以義殉林年猶少遺腹生子苦志課讀年五十餘而終

王俊德妻邱氏丙戌亂兵剽掠邱被獲欲脅之上馬當携幼兒在手賊殺其兒曰汝無後累可隨行矣邱憤罵被戮

何俊妻余氏年十八夫死懷孕三月母欲奪其志余自誓靡他撫其子而終焉

傅盛三十四妻彭氏年二十喪夫幽靜自守教育後嗣年九十而卒

庠生魏萬妻鄧氏被兵執將汚之不屈殺一子不屈復殺次子瞑目大罵以幼子投於僕曰好存後死之

傅廷亮妻曾氏遇賊強執欲汚不從撞石而死

傅元亮妻林氏孤處亂世事姑以孝聞而操若冰霜邑侯張萃祥獎匾節勁賢能

魏仲華妻丁氏孝以事姑行不踰闔丁亥亂陷寇中將汚之罵聲不輟賊怒置旗竿試箭聲愈厲喉斷乃已

魏羽妻高氏丁亥寇亂奉姑匿山谷聞賊執姑將刃之出抱姑求以身代良久欲擄之去不屈遂刃其姑高

伏尸哭罵竟死無一屈語

魏昂妻傅氏年十六歸昂昂病連年侍藥不倦昂卒無子明季寇變或勸之改嫁爲自全計傅泣不從丁亥至壬辰兵寇交訐奔逃困苦以紡績易人芻汲畧無悔意

石英妻龔氏年十八夫亡奉姑撫子冰霜自勵八十而卒

傅玉辰妻余氏年十七喪夫懷孕三月撫子奉姑孝慈交盡邑侯朱世昌獎匾雪白永清

廬溪縣志

卷之九

列女

二十一

于榮二妻張氏少失夫姑亦孀居家貧無以供芻汲張習苦力養始終不倦鄉閭以節孝推之

王梅溪繼妻蔣氏年十六歸王梅溪客卒金陵蔣方二十遺腹生子撫梅溪先妻楊氏所生四子同於已出極力事姑清操六十載壽八十三巡按獎匾節慈並美

庠生曾大年妻程氏年二十三土寇擾境寇刃其夫復殺其子程以溝中得脫痛夫與子哀毀幾絕矢志堅守三十年謝容飾勤紡績不與歡宴不踰閭閻請繼

以承宗祧

李龍友妻王氏妍歲卽喪所天遭丘嫂困苦流離百折
不奪其守訓子成立克家裕後

孫祀妻黃氏以妍歲棄兩髦止育一女母以其無子令
再醮黃矢死不二永荼甘之若飴歷試百艱卒成其
志

于榮廿二妻官氏避亂遭寇掠不從罵賊而死

吳潮廿一妻盧氏芳齡喪夫矢志堅守息撫繼子子亦
孝事之卒年九十餘

瀘溪縣志

卷之九

列女

二十二

石璜妻萬氏幼就女傅七誡早聞歸石三載喪夫壺闕
不踰訓課備至傳先業以授其子克自成立巡道獎
匾能荻嗣徽

邑庠丁亨妻倪氏厲志守節事姑能孝其姑憐而愛之
出人與偕片刻不使之離丁亥遭兵義不屈厲聲大
罵割舌猶含糊噴血斷喉而亡

丁權妻李氏年十九喪夫遺腹生男公姑因其年少屢
勸改醮李堅守不奪歷五十餘載儉嗇辛苦其節愈
厲子克義以文名冠庠而李不及待矣

丁叔旦妻梁氏性幽靜而失意於其夫梁安之畧不見
怨語壬辰遭寇強污不從哭罵而死

傅華妻周氏年二十喪夫遺一子家貧不能自贍族眾
勸之改嫁周正色曰華半生止有此子倘撫成立則
華爲不死矣遂嚙指爲誓後丁世亂艱辛備嘗其節
愈貞子亦克家族具公呈於縣侯李卽龍匾曰節懋
松筠張希栻匾曰節孝流芳

龔氏燦六之女年十八未適人扶母避寇被賊執欲挾
之去不從強污之不從威之以兵引頸受誅遂遇害

劉翼甫妻石氏勤儉孝敬早年生子多不育迄三十自
愧無嗣勸夫娶妾夫不允泣告曰不孝有三無後爲
大夫感其賢娶卽氏歸始終和順綽有樛木風後卽
氏生子蕙石撫之如親生石享年八十有八

卽平瀾妻李氏年三旬夫逝撫育四子奉舅姑勤婦道
庭無間言年九十有八邑侯李國維匾曰節孝雙美
魏裘妻林氏年二十而寡遺腹生男公姑慮其年少欲
令再醮林撫兒坐卧小樓數月知志不可奪遂聽之
孝事二姑家姑以無子見凌於
意憤甚林勸解

之日如媳遭此不幸更復誰怨幸有以見容姑遂豁
然不復校蓋勁節足以相弭而誠孝足以相感也

李挺妻王氏值寇亂挺遭戮執王強污不從大聲詈賊
創之顛仆卒不死既而疫厲大作公姑伯叔舉家二
十餘口不半載盡喪衣衾棺槨王一力支持事既平
家徒四壁矣王撫二歲之孤歷盡艱苦畧無屈志其
節又非特爭死一時也

盧允中繼妻王氏幼失怙恃撫於其伯習聞女訓允中
喪偶聘之善相其夫生子伯龍肇龍允中殂王年時

二十四或諷以改適厲聲曰我幼不得見父母長不
及事公姑今所天又見背有子而嫁何顏相見於地
下乎自後聲不出戶足不踰閭長齋繡佛者四十餘
年孫宗臣領康熙辛酉鄉薦

林君詔妻陳氏年二十二夫喪子二齡栢舟自矢壽六
十邑侯袁鉅匾曰冰霜節操府匾凜若秋霜教諭戈
居邦聞而贊曰貞哉孺人二十而霜藁砧逝矣寸裂
肝腸將身欲殉有子難忘溯厥失怙口正乳黃食貧
操作愈勵冰霜女紅若迥寧處不遑儼如嚴訓教子

以方家聲克振後裔寢昌

魏東洋妻黃氏年二十歸魏九載而東洋歿黃撫八歲孤食貧茹苦以十指取薄糜度日孀居七十餘載壽百歲逾三月邑侯袁鉅匾曰節壽雙榮

周伯泉妻李氏年二十九夫喪事舅姑克盡婦道淑慎勤儉苦節自勵一子復早逝督課二孫辰領天啓甲子武科鄉薦授建昌兵巡道中軍提領崇正癸酉武科鄉薦庚辰會試副榜官至嘉興府守備

黃鏡榮妻盧氏年二十八孀居茹蘗飲水矢志金石篤

瀘溪縣志

卷之九 列女

二十五

孝養嚴訓課婦道母儀兩無遺憾

邱鎮妻魏氏年二十六夫亡撫孤守節事姑極孝家雖中落堅操不渝

邱子賢妻李氏年二十四夫卒欲與偕亡姑勸以爲賢後計乃起子尋歿繼孫辛勤兩世苦節能正享年八十有三

傳上顯妻周氏年二十三而寡撫子女日勤紡績以給衣食子尋喪有勸其改嫁者周曰顯支下無裔嗣恐去此而令其父弗祀耶因延族姪以繼宗

許九成妻李氏年二十四夫喪一子四齡貧甚其夫之
兄與嫂計奪嫁之李以節自矢值耿變能自策匿所
卒以全貞邑侯常聲揚匾曰冰雪盟心郡匾儼若冰
霜

胥克長妻盧氏性至孝姑三旬瞽目盧執巾帨奉盤盂
溫清定省歷四十年如一日盧母陳就養數載病卧
床第盡女道一如盡婦道

李化質妻黃氏年二十一寡子方襁褓家貧服食不給
母強之他適黃矢志不渝朝夕紡績辛勤鞠子苦節

瀘溪縣志

卷之九

列女

二十六

五十年而終

魏英人妻于氏年十八夫卒痛哭欲殉族黨勸以公姑
在堂子生甫彌月宜爲死者身後計勉自活孝事公
姑撫孤子義方家貧紡績以贍其辛勤拮据七十年
如一日也邑侯沈元煉匾曰勁節凌霜

李仲傑妻劉氏年二十四夫歿事繼姑盡其道撫育孤
子有成家範嚴肅雖五尺之童不許入內庭年踰六
十族里罕見其面

李匡如妻嚴氏年二十七夫故無子家計蕭條以指工

給糜食敬奉繼姑歷年五十固有倦怠

李日藻妻鄒氏年二十八夫亡念藻積學不售輯理舊籍力爲訓課子步武隸諸生是能以苦節繼夫志者石立文妻李氏年二十五喪夫家貧甚孳子寄食母家一日命子歸省公姑途拾遺金八兩持歸告母李曰此非分內物遍字名還之不受其酌侍父疾衣不解帶者彌月其節義孝行有如此

何步生妻李氏歸何兩載夫苦學疾殞李年十九堅志撫孤課讀不倦織紵以濟服食之缺風徽允爲閨式

廬溪縣志

卷之九

列女

二十七

邑庠生王培卿妻吳氏年二十三夫禦寇身故家產蕩然遺腹生一子紡績苦守課以儒業八十二歲卒

左元珍妻許氏歲庚申爲山寇江機所掠迫至二都油嶺欲染不從屬刃於頸脅之許矢死賊怒三磔其尸元珍痛感終身不再娶

鄧望古妻石氏古年二十七父疾篤禱天願以身代稽顙三夕父瘳而古逝石少古二歲痛絕者再丁兵亂父母欲奪其志以死謝經數十寒暑堅正不移壽五十終

李復韶妻高氏大開之媳也年二十九寇亂大疫復韶與四子俱歿孑然孤處或諷其再醮高曰吾舅歿王事吾夫列膠庠理無更適後家產罄絕無立錫伶仃莫依轉養於兄子士進年八十五卒

鄧上行妻林氏年二十夫北運卒於舟矢志冰霜撫子成立

鄧近雲妻林氏年二十二夫喪厲志冰壁孝事姑婢迄今七旬有五邑侯將獎匾德操義後

梅繩先妻龔氏年十八歸梅踰年育子方八月夫故養

殮莫給有勸其改適者拒之曰何忍舍此老姑稚兒惟勤紡績盡余職分耳事姑以高年終課其子儒業有成邑侯沈元煉匾曰節孝兩全

傅廷珍妻丁氏年二十六夫喪守節子幼用乏延師篤課紡績以贍屏酒肉不御八十六歲而終

周大拱妻龔氏夫死年二十一子幼家尤窘孝事老姑爲族娣妯傭力飯之必舍食以歸奉有強之嫁者引繩自斃遇救甦窮餓六十年以歿

鄭京都妻張氏年二十夫亡遺腹生一子堅志撫孤足

跡不出戶庭奉養翁姑始終不懈

周錡妻龔氏年二十二夫亡操勵冰霜撫呱雛不辭茶
蓼錡故優於學有儒林之望龔以故業勗其孤備極
勞瘁卒能有成

程廣餘妻周氏年二十四生一子夫亡食貧苦守事翁
姑竭力無遺卒年七十二

湯竒生妻程氏年二十三生一子夫亡守志終身不渝
邱漢辛妻龔氏年二十六夫喪撫孤守節奉姑克盡孝
道

饒繡章妻石氏少溫惠歸饒孝敬無違時繡有文名相
與儆戒不倦繡歿年三十勵志冰霜撫一孤女甘淡
泊寡言笑勤紡績以終

邑庠林繼望妻徐氏年二十八夫亡事公姑以孝撫前
子以慈遭耿變流離困苦清操愈厲二子漢章煥章
有成皆竭力訓課之力也卒年八十九

傅晚敬妻周氏夫亡撫孤茹荼飲蘖勵志五十餘年子
孫鼎盛邑侯王鉞匾曰節媿松筠壽八十八

儒童傅執躬妻黃氏年二十六夫喪子幼家徒壁立矢

志靡他媳死撫諸孫尤極勞瘁性幽靜婦行無少缺
傅集聖妻黃氏年二十四喪夫撫育孤兒家貧難以自
給艱苦備嘗卒克成其志

林德介妻傅氏歸三載夫死無子堅守自持一室蕭然
惟日勤女紅以奉老姑

石明立妻胡氏十九齡喪偶即欲爲黃壤殉爲藐孤勉
留不死履貧苦畧無悔心貞守三十餘年族黨曰其
節於縣侯常聲揚獎以栢操松齡之額

劉枚友妻李氏年二十三夫喪子襁褓撫之成立家徒

瀘溪縣志

卷之九 列女

三十

壁立紡績奉公姑絕無怨悔

周靖遠妻黃氏年二十二夫喪性閑而慧行順而莊勵
志苦守貧不易操姑老子幼孝慈備至

鄧可權繼妻徐氏年二十八孀居成夫志孤子孤孫悉
本遺編之勗逾六旬猶曰嫠婦不出門歌臺寺觀所
絕迹焉

鄧覺應妻饒氏年二十二而寡撫一子僅數齡堂遺兩
老饋粥無所資饒以紉紡給養艱辛備嘗五十餘年

如一日

鄧之恒妻徐氏年十九恒以鄉勇禦寇死有富戶求娶徐曰夫不貪生予忍貪財乎雖貧不自給未嘗一踰閭以受人憐撫孤有成踰耄而逝

儒童鄧守謙妻饒氏幼隨父讀書通女誡年十五歸鄧踰三載夫喪欲以身殉姑解慰謂婦有遺腹尚爲宗祧計饒醒悟五月而孤產自是絕葷茹素竭力孝養篤志訓課施穀施藥施棺惠澤遍洽者四十餘年子敦復頌歲貢以行聞有司題請旌表奉

旨建坊雍正四年

瀘溪縣志

卷之九

列女

三十一

勅建節孝祠動帑外捐資數百兩進士賀同珠撰祠記見藝文

邑庠盧琬妻林氏生員盧欽母也孝事舅姑克全婦道康熙丁巳寇擾村落值姑病篤里中人曰寇來矣盍舍姑亟去林不得已抱姑以避不數武而寇及之躍坐淖泥中寇迫起不應遙斫之項臂攫入刃陞漚皆赤寇退漸甦邑侯汪雲鵬匾曰節孝孚天臬司吳存理表其閭曰節孝雙奇

林長譽妻席氏年三十喪夫茹荼養姑晝夜訓子一清

定山等克自成立而母之節孝愈著邑侯汪雲鵬匾
曰節孝貞純督學匾曰陶柳嗣徽

黃天秩妻王氏年二十四夫喪苦無伯叔兄弟栢舟自
誓敬事二姑奉養塋祭獨力支持延師訓子慈範足
式年踰六十終

傅體仁妻鄧氏夫貿易中毒死巴河鄧年二十四聞報
卽欲身殉以夫讎勉活剪髮擊鼓控冤骸卒撫遺
孤成立女流有烈丈夫風邑侯沈元煉匾曰節孝雙
美

徐位中妻黃氏曉章句年十七歸徐值夫火病旦夕焚
香祝以身代越二年夫喪無嗣投環者再翁姑力勸
乃止靜守三十餘年人罕見其面事姑如母常禮佛
祈姑壽乾隆二年奉

旌表建坊

儒童石宇式妻盧氏年十八歸石二十一歲式以勤讀
身故盧年少無子食貧養姑足不出閨門節孝雙優
儒童盧瑗妻侯氏溫惠淑慎年二十四瑗喪矢志靡他
力課勵孤以成督學獎匾茹荼畫荻

鄧克敬妻林氏夫喪年二十九四壁蕭然貌孤襁褓薪
食取辦于女紅釜塵封而茶爲茹者屢矣永操自勵
以終其身族庠鄧鳴詩曰河嶽日星共此身洪鈞賦
予最爲真誰收正氣還天壤不在男人在女人

庠生周士弘妻石氏年二十四孀居斥去簪珥文綺椎
髻粗服撐持家政出入起居以禮自防閑當

國朝定鼎之初連年土寇竊發疫厲交作崎嶇百端艱阻
備歷卒成二孤以能讀父書暮年語及前人囊笈及色
猶爲之動御臧獲以息接娣姒以和頗饒蓄極意施

予衣寒凍飯饑餒村嫗闐呼弗倦也孫立愛舉乾隆
丙辰順天鄉試

石良柱妻傅氏未字時孝事二親母睦日夕焚禱舐以
舌豁然開朗歸石懿行芳躅芬人齒頰螺川賀教授
傳本郡梅宮詹序具載其詳

丁汝超妻魏氏年二十八夫喪生子一誓志守節不出
閨門孝事翁姑延師課子其子振學體母志苦讀有
成

丁以尊妻游氏年二十九夫喪無子家貧矢志冰霜翁

姑勸其再醮不聽委曲承歡媳兼子道

周行可妻李氏庠生李應奎之長女也侍父得聞內則女誠諸訓典嫠時年甫二十哀毀幾殞其生以有子遺腹勉自活域限不踰舉動必飭低眉悴色羣處未
有誼譁聲事姑尤能承順痛行之殷每欲形於悲號恐傷姑家人惟見其獨處之湧淚而已諸娣姒輯睦無疵議工刀尺勤紡績恂恂終其身

黃公竒妻周氏歸黃四載夫逝年二十一撫遺腹孤矢志靡他力奉養勤訓課勞瘁以終其身

瀘溪縣志

卷之九

列女

三十四

鄒文珥妻龔氏十六歲歸鄒孝事舅姑中饋女紅嫻於其職舅謝世奉姑加謹迨二十珥病故孤僅四齡差長指所遺書勉以力學或至相向涕泣壽六十邑侯李如璠獎匾節孝賢慈

傅迪先妻林氏年二十二甫過夫死守志飲水茹蘗織紉以供衣食含淚以撫孤兒數十載貞心不二邑侯王璐匾以節苦堪垂

儒童何禹高妻曾氏十六歸何克遵婦道二十七夫病終囑以老母一孤曾感泣以禮節哀以義飭躬奉姑

終養塋祭如禮課子詩書克自成立

會畢繡妻林氏邑庠會鳳儀母年二十九夫患中風病
子幼無伯叔親辦侍湯藥衣不解帶及死捨呼哭泣
隣里不忍聞又歲歉罹回祿以紡績給饗殮百折不
回篤志課子卒能有成

許先元妻梅氏事姑以孝聞病劇禱以身代割股肉啖
之姑得痊而梅不獲延年遠近惋惜

魏茂也繼妻林氏年二十夫喪無子堅志守節事翁姑
無缺禮性閑靜操饗殮外惟宅深閨雖暮年人罕見

者

丁耀奇妻楊氏年十八夫喪一子半週誓不再醮家貧
紡績以度日族呈縣獎匾懿節天優

邱 絃妻李氏年二十三夫死守節撫孤中道子喪復
撫三孫至於成立壽八十一

魏少英妻盧氏英病篤子光衢尚幼光燧孕於腹捨攘
無門割股食之死而復生者再卒不起貞心自矢事
姑極得其歡先姑卒姑悲思者累歲

生員傅憲妻許氏年二十一夫喪奉姑教子飲水茹蘖

中道子喪孫孤兩世靡依一肩獨任壽七十而卒
儒童盧廷彩妻艾氏年二十廷彩以血疾卒遺一子廸
羸善病茹荼卒能有成其叔姑孫氏先以節孝聞治
家嚴整從無嬉笑容而心絕憐艾亦事之如姑人
謂一門雙貞
林嘉棣之妻桂氏年二十八夫故抗志勵操毅然以名
節自任服勤婦業閨門內刀尺機杼未少怠奉公姑
雖菽水必竭其誠而啓書冊訓子儒林著稱陶薦陸
葱不啻也

瀘溪縣志

卷之九

列女

三十六

儒童夏燦妻江氏年十七歸夏生子寬越二歲燦寢疾
氏剪髮稽顙北辰祈奪算以壽夫無何數盡誓不改
節精釭鬻漿以養翁姑歷舉三喪胥厝於宅北無爲
佛仔肩者日事紡績撫孤嚴於教誨閱歲已二十四
矣乾隆七年遵

例具題奉

旨豎坊旌焉

生員鄧挺立妻盧氏年二十七夫病劇禱祀莫應旋毀
容絕粒姑強起之乃自折齒納棺中日呼死如有知

年今七十猶康

庠生盧心端妻孫氏容端性摯姑嘗臥病月餘躬侍湯藥衣帶不解姑再三慰遣之卒不去曰吾去不能寐不如在此心猶得安也無何心端以猝病終矢志不渝撫伯子爲後屏去脂粉服飾不一與懽讌伯與姪相繼卒力肩內政大小悉理先業賴以不墮教二姪及所撫孤皆有成立督學使王思訓匾以節孝雙輝諸生王官母盧氏歸官父王思義三年舉子官棄儒業客遊浮梁未半載殞盧聞變一慟而絕以姑與雛故

瀘溪縣志

卷之九

列女

三十八

勉作未亡人嘗夜篝燈課讀卒以成其子

周柱臣妻石氏年三十喪夫垢服惰容逮其終八十三未嘗一御床第有問者曰自吾夫之亡心竊恨之

李惠先妻王氏年二十二而寡居貧撫二齡孤有慕德希娶者啗以利氏斷髮見志越數十年未嘗一近歌臺縣侯沈元煉給永心栢操之額

盧昇平妻鄧氏年十九昇殤未有嗣撫侄文瓚承順翁姑能致結眉漸釋今年五十有六孝養不衰郡守匾

獎

邑廩生魏光齡妻盧氏孝廉盧宗臣之次女年二十五
齡故事老姑意未少違訓課成其子縣侯趙淵獎以
匾年五十學博黃閣爲文以壽

邑庠生石鑑妾饒氏以閨秀屈事鑑年二十五而寡食
貧撫兩孤治家嚴謹事正室謝齒逾耄喪葬盡禮課
成仲子障川年六十縣侯趙淵匾獎會修志族姓請
於今縣侯朱褒以小星而知大義敬事主母訓子成
名殊可嘉尚之語

魏行簡妻李氏年二十四守志奉姑致其慈誠撫兒成

瀘溪縣志

卷之九

列女

二十九

立族閭共高之

邑庠石聯雲妻胥氏年二十八雲病瀕危囑以養親撫
孤氏嗚咽敬諾勤孝養以迄考終各成禮孤亦感於
母而服教克自成立家孫調以文名

儒童林賡旦妻邱氏年二十七賡旦喪孤折事舅姑慇
懃不少懈居常巾袿自飭絕謝鉛華

儒童魏企白妻何氏年二十六而寡父母欲奪其志誓
死靡忒歲時感痛欲泣恐傷寡姑心強笑語以怡之
居恒遠避嫌疑容不加修年六十七立嗣繼祀

郡庠傅之鐸妻魯氏年二十九之鐸殂孝養翁姑撫孤明教誨孤亦上體母志勤學以承其先業

鄧功倍妻李氏年二十六功倍喪撫孤鍾奇復殤媳湯氏二十一歲兩世栖皇勤織紝以爲供李故湯勗孤成立年六十縣侯闡廷佶給燕節雙貞之額

戴履義妻饒氏年十九守節養姑課烝社爲功甘旨罔或闕訓子力本食勤今六十五歲

儒童傅弘謨妻黃氏年二十七而孀事老姑能執婦道比歿卜宅兆同夫安厝植孤完娶四十年間容不染

瀘溪縣志

卷之九

列女

四十

膏沐

儒童傅方潤妻徐氏年二十八方潤故語不及外敬舅順姑力女紅不爲疲孤天撫姪天培承祧再罹大故初志愈勵

丁經六妻傅氏年二十六夫亡當危急存亡之秋以義自審以禮自防爲覆敗者延一綫之脉理已壞之緒櫛縱丸荻間風規凜凜

毛雲生妻龔氏年二十五夫亡舅姑以農家未宜有妾婦父母亦勸之嫁族人涎媒計慫迎親者已在門抗

聲極情拒之諸人爲氣沮自是椎結不事容飾家故
非饒蓄營耕植以給克事堂上存歿卒撫成其子居
隣周立愛庄舍夙聞感歎爲傳其事於毛氏族譜
黃亮功妻魏氏年二十八守節奉養撫育一皆女閨所
撐持未有少屈意

魏粲盛妻石氏年二十八喪夫柔靜嫺女訓粲盛疾革
時以孤屬甥鄧昱石內奉家政於伯粲霞外資不給
於甥撫孤課督勞瘁百折卒能以成其志

儒童徐惟欽妻黃氏夫亡年二十六事舅姑於堂上撫
弱子於膝前淒風急雨集參茹荼其勁氣必達難以
萎折加也署縣獎匾節孝可嘉

劉孔階妻蕭氏年十八歸劉二十五夫亡存產不足贍
二孤方待哺又上有寡姑肅力爲籌畫佐以紡績得
姑歡幼讀書曉文義課督雖暮年不懈婿鄧昱擬援
例請建坊會蕭歿而寢邑侯王璐匾曰女中丈夫
李餘成妻饒氏年二十三守節撫孤不以貧爲累邑侯
林雲嵐給以匾年今六十有六

邑庠生周國璧妻傅氏年二十五守節集參茹荼不辭

勞瘁舅晚年以病卧牀多方理藥餌時勤定省舅
彌留諭曰爾孝道無以報也遺墨留示後人署縣孔
興浙表其閭曰節孝傳芳

傅啟勝妻黃氏年二十五啟勝殞事舅姑無闕禮植兩
孤俱成立更誘誨諸孫不怠其志今邑侯朱匾曰女
中荀息

徐彖才妻陳氏年二十五而寡乏嗣息夫弟甫七齡門
戶莫持奉孀姑終養姑臥病侍起居無斃今存五十
一歲

瀘溪縣志

卷之九

列女

四十二

元友梅妻丁氏年十九而寡欲相從地下念翁姑高年
旦夕勤勞以盡婦道苦節垂六十歲矣

黃士元妻李氏年十九士元歿姑亦少寡冰檠交勵躬
饋食以進不愆於儀撫半週孤愛而能勞年今五十
九

貢生鄧天章繼妻周氏年十九適鄧舉子一二十七章
故產遺腹家計不甚盈惟以節儉而理遇前子如親
生相率廸於禮義有敬姜之遺

儒童李搗謙妻官氏年二十五夫亡乏嗣撫姪承宗祀

孝奉公姑甘旨無闕守節三十九載

廩生鄭偉繼妻蔡氏年十九夫亡確守貞操念及篋爲前人之遺訓子力學以世其業

黃成文妻李氏年二十一夫亡事翁姑孝敬無違撫孤迄於成立其志節可欽才亦足爲女閨式

李喜聞妻吳氏年二十八夫故撫兩孤苦節三十七年今六十五歲

林祥卿之妻傅氏年一百零三歲乾隆三年邑侯王璐旌扁百壽坤貞

